

Årsmelding for Vestland SV

Årsmelding frå fylkesstyret, om året 2023-24 i Vestland SV

1) Fylkesårs møtet 2023

Møtet vart halde på Hotel Grand Terminus i Bergen sentrum laurdag 11. og søndag 12. februar 2023. 75 delegatar og 5 observatørar møtte forutan gjester, ordstyrarar og tilsette. Det møtte delegatar frå Alver, Askvoll, Askøy, Bergen, Bømlo, Gloppen, Kvinnherad, Luster, Osterøy, Sogndal, Stad, Stord, Sunnfjord, Ullensvang, Ulvik, Vaksdal og Øygarden, i alt 17 lokallag. Oppmøtet var lågare enn året før, for ein del grunna sjukdom med kort varsel. Nokre lokallag fann ikkje utsendingar.

2) Fylkesstyret

På fylkesårs møtet vart desse valde til fylkesstyre:

- Leiar: **Hege Lothe**, Gloppen (1 år) (attval)
- Politisk nestleiar: **Jonas Aleksander Foldnes**, Øygarden (1 år) (ny)
- Organisatorisk nestleiar: **Rafael Cobo**, Askøy (1 år) (attval)
- Økonomiansvarleg: **Sara Bell**, Bergen (ikkje på val)
- Styremedlem: **Gaute Losnegård**, Askvoll (attval)
- Styremedlem: **Silje Nordtveit Olsen**, Kvinnherad (ikkje på val)
- Styremedlem: **Jens Revold**, Bergen (2 år) (ny)
- Folkevaldansvarleg: **Vibeke Johnsen**, Sogndal (2 år) (attval)
- Fagleg ansvarleg: **Karin Bell Trældal**, Stord (2 år) (ny)
- Kvinnepolitisk ansvarleg: **Kristin Hartvedt**, Bergen (2 år) (ny)
- Miljøpolitisk ansvarleg: **Kerim Nisancioglu**, Bergen (ikkje på val)
- Distriktpolitisk ansvarleg: **Mari Svartveit Hansen**, Ullensvang (2 år) (ny)
- Fylkestingsgruppeleiar: **Marthe Hammer**
- Representant frå Vestland SU: **Gabriella Haugland**

Stortingsrepresentant **Audun Lysbakken** vert alltid kalla inn til møta.

3) Arbeidet til fylkesstyret

Det har vore 10 fylkesstyremøte gjennom året: 9. mars, 22. april, 10. mai, 21. juni, 20. september, 24. oktober, 23. november, 11. desember, 9. januar og 1. februar. Til saman har fylkesstyret handsama 77 saker.

35 Alle møta har vore digitale, så nær som eitt. Dette blei halde laurdag 22. april på
36 fylkeskontoret i Bergen, som eit heildagsopplegg med skulering og open diskusjon.
37 Då vedtok styret eit årshjul for resten av styreåret. Etter møtet åt styret middag saman
38 ute.

39
40 Det blei dessutan halde to ekstraordinære møte mellom fylkesstyret og
41 forhandlingsutvalet vårt i fylket i samband med valet. Det eine blei halde dagen før
42 valdagen, og forhandlingsutvalet drøfta då forhandlingsposisjonen framfor
43 fylkestingsforhandlingane kvelden etter. Det andre møtet skjedde dagen etter
44 valdagen. Då la forhandlingsutvalet fram forhandlingsresultatet så langt, og fekk
45 tilslutning til det vidare forhandlingsopplegget.

46
47 På fylkesstyremøtet 24. oktober heldt **Morten Harper** i Nei til EU ei innleiing der han
48 tok for seg organisasjonen si rettssak mot staten. Saka omhandla spørsmålet om
49 grunnlova tillet at Stortinget ved simpelt fleirtal kan gje tilslutning til at norsk lovgiving
50 vert underlagt EU-lovgiving, som til dømes i EU si fjerde energipakke.

51
52 Årshjulet som styret vedtok på våren la til grunn at vi også skulle ha eit fysisk
53 styremøte og samling midt på hausten i høve folkevaldsamlinga. Denne valde vi å
54 avlyse, og vi oppmoda i staden folk om å reise til den sentrale samlinga. Etter ein lang
55 og stri valkamp var det godt for fylkeskontoret og leiinga å ikkje lage til
56 folkevaldsamling, men det gjorde også at vi ikkje fekk samla oss, noko som absolutt
57 gjev ein ekstra kveik.

58

59 **4) Arbeidsutvalet**

60 Arbeidsutvalet har vore:

- 61 • **Hege Lothe**, leiar
- 62 • **Jonas Aleksander Foldnes**, politisk nestleiar
- 63 • **Rafael Cobo**, organisatorisk nestleiar
- 64 • **Sara Bell**, økonomiansvarleg

65

66 Det er leiar og dei to nestleiarane som har røysterett i arbeidsutvalet. Det har vore
67 berre 6 møte i arbeidsutvalet gjennom året, noko som er færre enn vanleg. Vi har
68 greidd å ordne ein del via skriftlege avklaringar, men har fått samlast sjeldnare enn vi
69 ynskte oss. Møta har vore digitale, og dei møta vi har hatt har vore viktige for
70 arbeidsflyten i laget.

71

72 **5) Utvida fylkesstyremøte**

73 Vedtektene opnar for utvida fylkesstyremøte der alle lokallaga vert inviterte inn i møtet
74 med ein representant kvar. Det er mogleg å ta opp kva emne ein ynskjer. Etter
75 vedtektsendring på førre fylkesårsmøte, kan ikkje utvida fylkesstyre gjere eigne
76 vedtak. Det ligg til fylkesstyret. Vestland SV har ikkje hatt utvida fylkesstyremøte i

77 dette arbeidsåret. Fylkesstyret meiner det er nyttig å samle alle lokallaga til slike møte
78 og ynskjer å halde fram med denne arbeidsforma, sjølv om det ikkje vart gjort i år.
79

80 6) Valnemnd

81 På fylkesårsmøtet vart det valt eiga valnemnd. Desse har vore:

- 82 • **Veronicka Ruud**, leiar, Askøy (1 år)
- 83 • **Hege Læg Reid Røssland**, Kvinnherad (ny) (2 år)
- 84 • **Bente Nilsen Owren**, Bergen (attval) (2 år)
- 85 • **Thomas Michael Walle**, Gloppen (attval) (1 år)
- 86 • **Magne Aardal**, Sunnfjord (ny) (2 år)
- 87 • **Yngve Haugsdal**, SU (ny) (1 år)

88
89 Representanten frå SU trekte seg frå arbeidet utpå hausten. Hen vart ikkje erstatta,
90 og SU fekk såleis ikkje delteke i arbeidet. Nemnda fekk ikkje møtt kvarandre midt på
91 hausten på folkevaldkonferansen som dei har fått gjort tidlegare år. Arbeidet kom difor
92 i gang noko seinare enn tidlegare år. Dei har likevel gjort eit grundig arbeid.
93

94 7) Revisorar

95 På fylkesårsmøtet vart **Jakob André Sandal** frå Sunnfjord og **Hege Bjørnør** frå
96 Bjørnafjorden valde til revisorar. Begge tok attval. **Åge Rosnes** frå Bergen har vore
97 vara. Det er hektisk å få stilt ferdig rekneskapen for revisjon innan fylkesårsmøtet,
98 men dei fullførte i år også.
99

100 8) Folkevalde

101 Etter kommune- og fylkestingsvalet i september 2023 er SV representert i 30
102 kommunestyre i Vestland. Vi auka opp med ein kommune, frå 29 kommunar i førre
103 periode. Vi har 69 kommunalt folkevalde og 5 representantar i fylkestinget – ein auke
104 på 12 folkevalde samanlikna med førre periode. Våre heiltidsfolkevalde er **Marthe**
105 **Hammer**, gruppeleiar og medlem av fylkesutvalet i Vestland fylkesting, **Åsmund**
106 **Berthelsen**, leiar i opplæringsutvalet i fylket og **Mikkel Grüner** i Bergen bystyre. SV
107 har ein varaordfører i Vestland: **Kjartan Haugsnes** i Vaksdal.
108

109 9) Utval og nettverk

110 Arbeidsplanen legg opp til at fylkesstyret skal velje fleire utval som skal arbeide med
111 ulike politiske saker. Det vart sendt ut ein eigen e-post til alle medlemmer tidleg i
112 arbeidsåret, der alle hadde høve til å melde interesse. Vi hadde fyrste runde med
113 oppnemningar på fylkesstyremøtet i mars. Vi har ikkje hatt aktivitet i Internasjonalt
114 utval, Antirasistisk utval, Distriktpolitisk utval og Utdanningspolitisk utval. Fylkesstyret
115 har også fått i oppdrag å starte eit Skeivt utval. Det har vi ikkje lukkast med i dette
116 arbeidsåret.
117

118 Distriktpolitisk utval

119 Utvalet vart utpeika på fylkesstyremøte 10. mai 2023. Utvalet har ikkje hatt møte i
120 2023.

121

122 Desse har vore med i utvalet:

- 123 • **Mari Svartveit Hansen** (leiar), Ullensvang
- 124 • **Hans Christian Hansen**, Stad
- 125 • **Gaute Losnegård**, Askvoll
- 126 • **Tore Svendsen**, Austrheim
- 127 • **Elisabeth Croles**, Kvinnherad
- 128 • **Siri Janne Lianos**, Bjørnafjorden
- 129 • **Guri Bugge**, Ullensvang
- 130 • **Geir Madsen**, Kvam
- 131 • **Bjørn Kåre Engseth**, Eidfjord
- 132 • **Henry Lie**, Bergen
- 133 • **Jan Per Styve**, Bergen

134

135 Fagleg utval

136 Fagleg utval kom på plass hausten 2023, og har bestått av ei blanding av tillitsvalde i
137 ulike arbeidstakarorganisasjonar, forutan representantar som har særskilt kunnskap
138 og engasjement om ulike tema som høyrer inn i arbeidslivspolitikkk. Representantane
139 sit på ein kompetanse og eit stort engasjement som Vestland SV bør ta vare på i
140 vidare utvikling av politikk.

141

142 Dette faglege utvalet har vore organisert annleis enn tidlegare utval. I arbeidsperioden
143 har utvalet hatt eit arbeidsutval med 3 personar (som starta med 4 personar, men der
144 ein fall frå). Planen var at AU skulle ha møte i den eine månaden, og at det samla
145 faglege utvalet skulle møtast månaden etter.

146

147 Fagleg utval har gjennomført eitt møte i arbeidsutvalet (AU), og eitt møte med et
148 samla fagleg utval. Det har vore utfordringar med å finne treffdatoar som passa for
149 fleire. Modellen for organisering kan vere verdt å arbeide vidare med.

150

151 Fagleg utval har, saman med fylkesstyret i Vestland SV, kome med ei støtteerklæring
152 i høve LO i Bergen og omland si markering 20. september, der ein fremja støtte for
153 regjeringa sin politikk for faste tilsetningar og innskrenking av bemanningsbransjen.
154 Fagleg leiar har dessutan halde ei politisk innleiing for Bjørnafjorden SV.

155

156 Desse har vore med i utvalet:

- 157 • **Karin Bell Trældal** (leiar), Stord, AU-medlem (Norsk Sjukepleiarforbund)
- 158 • **Mona Helen Nilsen**, Bergen, AU-medlem (NTL)
- 159 • **Hege Bjørnør**, Bjørnafjorden, AU-medlem (Fagforbundet)

- 160 • **Tina Åsgård**, Bergen (NTL)
- 161 • **Thomas Owren**, Bergen (FO)
- 162 • **Tore Müller Andresen**, Bergen (Finansforbundet)
- 163 • **Steinar Nørstebø**, Bergen (Handel og Kontor)
- 164 • **Stefan Lindner**, Bergen (Norsk Tannlegeforeining)
- 165 • **Ask Sandvik**, Sogndal (student)
- 166 • **Hans Christian Hansen**, Stad (Fellesforbundet)
- 167 • **Tone Otterlei**, Sunnfjord (FO)
- 168 • **Anders Haug-Nossum**, Øygarden (Fellesforbundet)
- 169 • **Jorge Del Pino**, Stord (Fagforbundet)
- 170 • **Craig Bøthun**, Bjørnafjorden (Handel og Kontor)

171

172 **Kvinnepolitisk utval**

173 Utvalet vart utpeika på fylkesstyremøtet 21. juni 2023. Utvalet kom seint i gang, men
174 har hatt møte ein gong i månaden sidan sommaren. Det har vore stor variasjon i talet
175 på deltakarar på kvar samling fordi engasjerte medlemmer som har fleire verv.

176

177 Utvalet var ikkje på plass til 8. mars-markeringa og Kvinnefestivalen, så leiar fekk
178 hjelp av tidlegare leiar **Vibeke Johnsen** og **Eva Aarskog** til å setje saman eit
179 arrangement. Det vart halde på Café Sana i Bergen, og temaet var "Kvinner på flukt".
180 **Marthe Hammer** (SV), **Simran Skulberg** (SU), **Katrine Meisfjord** (Helsesenter for
181 Papirløse) og **Rahel Samuel** (Mennesker i Limbo) var innleiarar. Dette var eit
182 vellukka arrangement med gode diskusjonar.

183

184 Utvalet hadde ønske om å halde eit arrangement i november for å markere
185 Internasjonal dag for avskaffing av vald mot kvinner, men vi fekk ikkje dei innleiarane
186 vi ønska oss. Utvalet planlegg eit arrangement under Kvinnefestivalen 2024.

187

188 Desse har vore med i utvalet:

- 189 • **Kristin Hartvedt**, Bergen (leiar)
- 190 • **Hilde Hauglid**, Stord
- 191 • **Eva Aarskog**, Øygarden
- 192 • **Maria Steimler**, Sunnfjord
- 193 • **Turid Helen F. Linde**, Bergen
- 194 • **Elin Hege B. Lona**, Bergen
- 195 • **Anna Kathrine Eltvik**, Bergen
- 196 • **Johanne Strømseng**, Bergen
- 197 • **Stine Marie Hjelle**, Bergen
- 198 • **Erika Eidslott**, Bergen
- 199 • **Simin Sabri**, Askøy
- 200 • **Erle Lilliane**, Ullensvang

201

202 Fylkesstyret ønske i utgangspunktet fleire medlemmar frå Sogn og Fjordane i dette
203 utvalet, men det viste seg å vere vanskeleg å finne og få ja frå kandidatar. Utvalet har
204 levert to fråsegner til Bergen SV sitt årsmøte og Vestland SV sitt årsmøte.

205

206 **Miljøpolitisk utval**

207 Utvalet har arrangert fleire opne møte i denne perioden. Den 24. april vart det halde
208 seminar om bergvarme ved **Kirsti Midtømme**, fjordvarme ved **Magne Hjelle** og
209 prioriteringsmatrise for naturverdiar ved **Nils Johnsen** frå Naturvernforbundet. Møtet
210 vart halde på fylkeskontoret med brukbart oppmøte. Det var også mogleg å delta
211 digitalt.

212

213 4. mai hadde utvalet møte med tidlegare stortingsrepresentant **Arne Nævra**. Tema
214 var naturkrise og naturmangfald. Det var eit spennande emne og godt føredrag. Møtet
215 vart halde på Vestlandshuset i Bergen. Oppmøtet var dårleg, mest fordi ein i liten
216 grad hadde drive mobilisering.

217

218 25. september vart det halde møte i Bergen med SV sin miljøpolitiske talsmann på
219 Stortinget, **Lars Haltbrekken**. Han tok opp den globale klimakrise og SV sine svar,
220 grønn energi, FN sin naturavtale og implikasjonar for Noreg, Melkøya og ein heil serie
221 andre emne. Det var eit svært godt besøkt møte, med brukbar digital deltaking frå
222 resten av fylket.

223

224 **Innspel**

225 Utvalet har levert innspel til Energipolitisk plan for Vestland. I tillegg har vi levert fleire
226 framlegg til uttaler til årsmøtet i Bergen SV og til fylkesårsmøtet.

227

228 **Organisering**

229 Vi har fått hjelp av fylkessekretær til å få til ei felles e-post-ordning. Det er også laga
230 eit felles sharepoint-område der Miljøpolitisk utval no legg inn dokument, utgreiingar
231 og uttaler som er viktige for arbeidet i utvalet. Utvalt vil dermed over litt tid byggje opp
232 eit bra miljøbibliotek. Om nokon er spesielt interesserte, kan utvalet dele dette med
233 partimedlemmer som står utanfor Miljøpolitisk utval.

234

235 Utvalet har i løpet av året organisert seg betre, og ynskjer fleire medlemmer frå resten
236 av fylket utanfor Bergen. Medlemmene har fått tilsendt invitasjonar til seminar i regi av
237 det sentrale miljøpolitiske utvalet, og nokre har delteke på slike seminar. **Ragnhild**
238 **Freng Dale** og **Dag Sandvik** har hatt plass også i Miljøpolitisk utval sentralt. **Kim**
239 **Straumsnes** har vore til god hjelp for Jens Revold i det praktiske arbeidet med
240 utvalet. Det er viktig for utvalet å få noko meir midlar til disposisjon for drift,
241 arrangement og kanskje nokre abonnement.

242

243 Desse har vore med i utvalet:

- 244 • **Jens Revold**, Bergen (leiar)

- 245 • **Einar Svendsen**, Askøy
- 246 • **Åsmund Berthelsen**, Sunnfjord
- 247 • **Alena Dekhtyareva**, Vaksdal
- 248 • **Guri Bugge**, Ullensvang
- 249 • **Kerim Hestnes Nisancioglu**, Bergen
- 250 • **Marthe Hammer**, Bergen
- 251 • **Kim Straumsnes**, Bergen
- 252 • **Ívar Stefánsson**, Bergen
- 253 • **Kristin Skaar**, Bergen
- 254 • **Ragnhild Freng Dale**, Bergen
- 255 • **Thomas Helland Hansen**, Bergen
- 256 • **Hallvard Birkeland**, Bergen
- 257 • **Bjørn Kolstad**, Bergen

258

259 **Antirasistisk utval**

260 Antirasistisk utval har diverre ikkje hatt aktivitet.

261

262 **Utdanningspolitisk utval**

263 Utdanningspolitisk utval har diverre ikkje hatt aktivitet i år. Etter valet vart **Åsmund**
264 **Berthelsen** vald til leiar for fylkestinget sitt hovudutval for opplæring og kompetanse.
265 **Marianne Sæhle** har også gått inn som fast medlem der. Arbeidet med dette feltet vil
266 framover vere knytt til utdanningsfraksjonen.

267

268 **Internasjonalt utval**

269 Internasjonalt utval har diverre ikkje hatt aktivitet.

270

271 **Funkisnettverk**

272 Funkisnettverket har diverre ikkje hatt aktivitet i år.

273

274 **10) Tilsette på fylkeskontoret**

275 Fylkessekretær **Frøydis Olaussen** gjekk ut av stillinga ved årsskiftet 2022/23. **Aslak**
276 **Owren** vart tilsett som ny fylkessekretær, men han tiltredde ikkje før 1. mars. Vi løyste
277 dette med at **Hege Lothe** fekk nokre veker frikjøp. Saman med **Sigrid Sandal**
278 arbeidde dei fyrst og fremst med fylkesårsmøte og listestilling, forutan førebuingar til
279 landsmøte og valkamp.

280

281 **Sigrid Sandal** har i heile perioden vore tilsett som organisasjonskonsulent. Denne
282 stillinga er til vanleg delt mellom Vestland SV og Bergen SV. Tidleg på året avtala vi
283 med Bergen SV å få bruke Sigrid i bortimot full tid tidleg på året sidan vi då ikkje
284 hadde fylkessekretær. Det var svært viktig for oss å bruke tid på å få på plass
285 kommunestyrelister og gjennomføre fylkesårsmøtet. Motytinga var at Sigrid seinare

286 skulle arbeide gradvis meir for Bergen SV. Ho fungerte som valkampsekretær i 100 %
287 stilling for Bergen SV under valkampen.

288
289 Frå 1. mars, då **Aslak Owren** tiltredde, vart nær sagt all ledig tid brukt på
290 listestillingsarbeidet. Det vart gjort svært solid arbeid frå dei tilsette, noko som
291 resulterte i at vi auka talet på lister.

292
293 Vestland SV har gått over til ei ordning der våre tilsette er tilsett hjå SV sentralt.
294 Sistnemnde har arbeidsgjevaransvar medan fylkeslaget har arbeidsleiaransvar. I det
295 daglege har fylkesleiar **Hege Lothe** den tettaste oppfølginga saman med gruppeleiar
296 **Marthe Hammer**. Fylkessekretær er arbeidsleiar på kontoret.

297
298 Fylkessekretæren er sekretær for fylkesstyret og arbeidsutvalet, og har stort sett å
299 gjere med alt fylkeslaget arbeider med. Fylkessekretær og organisasjonskonsulent
300 deler på arbeidet mellom seg. Fylkessekretæren, men hjelp frå
301 organisasjonskonsulent, følgjer opp dei organisatoriske tiltaka i fylkeslaget knytt til
302 arrangement og valkamp, og gjer mykje arbeid knytt direkte til lokallaga. Etter ei
303 omlegging i 2020 utfører fylkessekretæren også økonomiarbeidet saman med
304 økonomiansvarleg i styret. Fylkessekretæren følgjer arbeidet i fylkestinget, og deltek
305 på møte der det er naudsynt.

306

307 **11) Fylkeskontoret**

308 Fylkeskontoret til Vestland SV ligg på St. Jakobs plass 9 i Bergen sentrum. Det er fast
309 kontorstad for fylkessekretæren og organisasjonskonsulenten. Gruppeleiar **Marthe**
310 **Hammer** brukar også dette kontoret, når ho ikkje sit på kontoret knytt til
311 fylkeskommunen. Vi delar kontor og utgifter med Bergen SV, Bergen SU og Vestland
312 SU. Ungdommane brukar kontoret flittig. Dei brukar også møterommet i kjellaren når
313 dei er mange, eller når møterommet oppe vert bruk av andre. Kontoret har god
314 tilkomst for personar i rullestol eller med barnevogn.

315

316 I samband med tilsetting av ny fylkessekretær har kontoret gått til innkjøp av meir PC-
317 utstyr og gjort oppgraderingar. Organisasjonskonsulenten har i løpet av året leia an i
318 arbeidet med å rydde og gjere utbetringar av system og oppbevaring på kontoret. Ho
319 gjorde også godt arbeid under valkampen med å organisere materiell og legge til rette
320 for effektiv distribusjon. Fleire tillitsvalde og frivillige har peika på at dette gav god
321 valkampstemning.

322 Saman med tillitsvalde i Bergen SV har organisasjonskonsulenten også gjennomført
323 vareteljing i boden i kjellaren, og rydda denne skikkeleg etter valkampen. Det vart då
324 brukt nokre kroner på å kaste øydelagt og utgått materiell, utstyr og t-skjorter.

325

326 Det er i 2023 inngått ny leigeavtale om kopimaskin og oppgradering av denne. Den
327 nye avtalen er noko rimelegare over tid enn den gamle. Husleigekontrakten er også
328 blitt fornya i 2023. Den går i utgangspunktet fram til årsskiftet 2026/27.

329 **12) Landsstyret**

330 I perioden har det vore vanlege landsstyremøte med fysisk oppmøte. Landstyret har
331 fleire gonger gjennom perioden drøfta korleis partiet skal handtere dyrtida frå
332 opposisjon i Stortinget. Kommune- og fylkestingsvalet og situasjonen i Palestina og
333 Israel har vore mykje diskutert. Landsstyret har fått opplæring av partisekretær Audun
334 Herning. Det har vedteke etiske retningslinjer, oppdatering av rutinar for trygge
335 møteplassar og korleis ein skal handtere seksuell trakassering.

336

337 Landstyrerepresentantar frå Vestland SV:

- 338 • **Hege Lothe**, Gloppen
- 339 • **Sara Bell**, Bergen
- 340 • 1. vara: **Rafael Cobo**, Askøy
- 341 • 2. vara: **Vibeke Johnsen**, Sogndal
- 342 • 3. vara: **Jonas Aleksander Foldnes**, Øygarden
- 343 • 4. vara: **Gaute Losnegård**, Askvoll

344

345 **13) Førebuingar til landsmøtet i mars 2023**

346 Fylkesårsmøtet valde utsendingar til landsmøtet. Denne gongen fekk Vestland SV 23
347 delegatar og inntil 9 gjestar/observatørar. I tillegg til delegasjonen hadde Vestland to
348 landsstyrerepresentantar, to sentralstyremedlemmer og to direktevalde
349 landsstyrerepresentantar som også møtte på landsmøtet. **Torunn Olsnes** sat i den
350 førebuande vedtektskomiteen, **Sara Bell** og **Ragnhild Freng Dale** i prinsiprogram-
351 komiteen og **Marthe Hammer** i den førebuande valnemnda. **Sara Bell** vart også
352 plukka ut til å leie komiteen som innstilte på endringsforslag til landsstyret.

353

354 Dette var delegasjonen til landsmøtet:

- 355 1. **Marthe Hammer**, Bergen
- 356 2. **Eira Garrido**, Bergen
- 357 3. **Mikkel Grüner**, Bergen
- 358 4. **Audun Syltevik**, Bergen
- 359 5. **Salman Chaudhry**, Bergen
- 360 6. **Emma Gyllander**, Bergen
- 361 7. **Diane Berbain**, Bergen
- 362 8. **Andreas Madsen Berg**, Bergen
- 363 9. **Torunn Olsnes**, Bergen
- 364 10. **Thomas Helland-Hansen**, Bergen
- 365 11. **Augusta Moen Opsahl**, Bergen
- 366 12. **Kerim Hestnes Nisancioglu**, Bergen
- 367 13. **Åsmund Berthelsen**, Sunnfjord
- 368 14. **Gaute Losnegård**, Askvoll
- 369 15. **Steinar Øydvin**, Sogndal
- 370 16. **Alice Hestad Vie**, Askvoll

- 371 17. **Kjartan Haugsnes**, Vaksdal
372 18. **Hilde Hauglid**, Stord
373 19. **Arild Iversen**, Askøy
374 20. **Silje Nordtveit Olsen**, Kvinnherad
375 21. **Jonas Aleksander Foldnes**, Øygarden
376 22. **Hlin-Såga Brosvik Kyrkjeøy**, Vestland SU
377 1. vara: **Marianne Sæhle**, Bergen
378 2. vara: **Knut Fjellheim**, Askøy
379 3. vara: **Alexander Papas**, Bergen
380 4. vara: **Ragnhild Freng Dale**, Bergen

381

382 Valde observatører:

- 383 • **Viviann Midtbø**, Stad
384 • **Yngve Haugsdal**, Øygarden

385

386 Tilsette/observatører:

- 387 • **Sigrid Sandal**, organisasjonskonsulent for Bergen SV og Vestland SV
388 • **Aslak Owren**, fylkessekretær for Vestland SV
389 • **Gabriel Steinsbekk**, sekretær for bystyregruppa i Bergen

390

391 Landsstyrerepresentant og fylkesleiar Hege Lothe var delegasjonsleiar. Nestleiar
392 **Jonas Aleksander Foldnes** var nestleiar i delegasjonen. **Tamara Lien Nøtseth**
393 melde forfall og **Alice Hestad Vie** tok då hennar plass i delegasjonen. **Marianne**
394 **Sæhle** vart då fyrste vara og **Ragnhild Freng Dale** vart siste kvinne på varalista. På
395 sjølve landsmøtet vart **Hege Lothe** vald til leiar for vedtektskomitéen, **Mikkel Grüner**
396 vart medlem av redaksjonskomitéen for fråsegner og **Gaute Losnegård** var medlem i
397 fullmaktskomitéen. Vestland SV markerte seg godt på møtet og i debattane. Vi hadde
398 mange kandidatar på val og det var mange fyrstekandidatar til lokalvalet med i
399 delegasjonen. Desse fekk hjelp til promotering og produksjon av kandidatmateriell av
400 SV sin kampanjeavdeling under møtet.

401

402 På festmiddagen vart **Audun Lysbakken** takka av som leiar i partiet. Vestland SV
403 fekk lov til å vere ein del av programmet under middagen. Alle frå delegasjonen stilte
404 framme ved scena medan **Hege Lothe** held takketala på vegne av Vestland SV
405 (gamle Hordaland SV) og Bergen SV. Audun fekk så gåve av fylkeslaget, medan
406 **Audun Syltevik** overrekte gåve frå Bergen SV.

407

408 **14) Anna representasjon i SV**

409 Vestland SV er representert både på Stortinget og i den sentrale leiinga i partiet.
410 **Audun Lysbakken** er stortingsrepresentant. **Gina Barstad** og **Kerim Hestnes**
411 **Nisancioglu** er sentralstyremedlemmer og **Sara Bell** er varamedlem til sentralstyret.

412 **Sara Bell** og **Ragnhild Freng Dale** sit i komiteen som skal skrive framlegg til nytt
413 arbeidsprogram for SV. Det vert lagt fram på landsmøtet neste år.
414 Vårt fylkeslag er også godt representert i partiet sine sentrale utval og nettverk.

415

416 Inkluderingspolitisk utval

- 417 • **Camilla Ahamath**, Bergen (leiar)
- 418 • **Silje Oskar Heltne**, Bergen

419

420 Internasjonalt utval

- 421 • **Rafael Cobo Garrido**, Askøy

422

423 Kvinnepolitisk utval

- 424 • **Eira Vilde Martinsen Garrido**, Bergen
- 425 • **Ellen Hagen**, Vaksdal

426

427 Miljøpolitisk utval

- 428 • **Ragnhild Freng Dale**, Bergen
- 429 • **Dag Sandvik**, Voss

430

431 Fagleg utval

- 432 • **Marianne Sæhle**, Bergen
- 433 • **Sara Bell**, Bergen
- 434 • **Steinar Nørstebø**, Bergen

435

436 EU/EØS-utvalet

- 437 • **Hlin-Såga Kyrkjeøy**, Bergen

438

439 Samepolitisk råd

- 440 • **Ragnhild Freng Dale**, Birggon/Bergen (vara)
- 441 • **Aslak Owren**, Birggon/Bergen (vara)

442

443 Studentnettverk nasjonalt

- 444 • **Augusta Moen Opsahl**, Bergen (leiar)

445

446 Helsepolitisk nettverk

- 447 • **Arild Iversen**, Askøy

448

449 **15) Medlemmer og medlemsverving**

450 Ved utgangen av 2023 hadde fylkeslaget 2101 medlemmar. Det er 9 færre enn ved
451 utgangen av 2022, og 105 færre enn ved utgangen av stortingsvalåret 2021. Dette er
452 eit vanleg mønster mellom stortingsvalår. Det er såleis mogleg at vi får til ein ny vekst i
453 stortingsvalåret 2025. Over lengre tid har fylkeslaget medlemsvekst. Ved utgangen av

454 2019 var medlemstalet 1982. I SV kjem utmeldingane i hovudsak av tre årsaker: Aktiv
455 utmelding (47,71 %), ikkje betalt kontingent (49,68 %) og naturleg avgang (2,61 %).

456
457 Det er Sogndal SV som utmerkar seg på medlemsverving. Laget har 100 betalande
458 medlemmer og ein auke på heile 11 medlemmer. Det er eit veldig solid arbeid. Det er
459 også kjekt å sjå at Ullensvang SV og Voss SV begge har auka med 6 medlemmer.
460 Askøy SV auka med 4 og Kvam SV med 3 fleire betalande medlemmer.

461
462 Det er viktig for oss at dei små lokallaga også veks. Comeback-laget Luster SV har
463 nesten dubla seg frå 5 til 9 medlemmer, Solund SV har auka frå 4 til 6 og Eidfjord SV
464 har auka frå 8 til 10. Sjølv om Bergen SV har størst nedgang, så har laget over
465 halvparten av medlemmene i Vestland SV (51,59 %). Sjå vedlagt tabell med oversikt
466 over talet på medlemmer i 2022 og 2023 fordelt på lokallag.

467

468 **16) Lokallag**

469 Vestland fylke har 43 kommunar. Vestland SV har 31 aktive lokallag fordelt på 31
470 kommunar. Av desse lokallaga er det 30 som har representasjon i kommunestyret.
471 For Vestland SV er det viktig å halde tett kontakt med lokallaga. I denne
472 arbeidsperioden har ikkje fylkesstyremedlemmene hatt faste lokallag å følgje opp, slik
473 som under den tidlegare fadderordninga. Det har vore kontakt med enkelte lag når det
474 har vore behov for det, og spesielt i valkampen var det direkte kontakt med lokallaga.
475 Under valkampen fordelte fylkesstyret laga seg imellom for oppfølging.

476

477 Det er stor spennvidde i kva type lokallag Vestland SV har. Det største lokallaget har
478 over halvparten av medlemmene i fylkeslaget, medan dei minste lokallaga har berre
479 nokre få medlemmer. Fylkesstyret meiner det er viktig å halde fram arbeidet med å
480 styrke lokallaga. Bergen SV, det største lokallaget, har i 2023 fullført prosjektet med å
481 starte bydelslag i alle bydelar. Dette er verkeleg eit stort løft, som framleis krev mykje
482 oppfølging. Gjennom dei 11 bydelslaga vert det no organisert meir aktivitet tettare på
483 medlemmene. I valkampen var strukturen med bydelslag avgjerande for at Bergen
484 SV kunne halde eit så høgt aktivitetsnivå.

485

486 I 2023 har Luster SV etablert seg som eit aktivt lag kom inn att i kommunestyret etter
487 fleire periodar utanfor. Vi har framleis ikkje etablert eit aktivt lokallag i Etne, men det
488 er ein aktiv kontaktperson og det vart markering i høve Etnemarknaden.

489

490 **17) Listestilling til kommunevalet**

491 Gjennom hausten 2022 vart det arbeidd med fleire kommunar der det var langt att til
492 vi hadde ei liste klar. Det arbeidet fortsette ut på nyåret. I 2023 var det
493 organisasjonskonsulent **Sigrid Sandal** som leidde arbeidet frå fylkeskontoret saman
494 med fylkesleiar **Hege Lothe**. Vi hadde også fordelt nokre oppgåver mellom
495 fylkesstyremedlemmene, men i dette arbeidet stod fylkeskontoret sentralt. Det vart

496 tidleg klart at det kunne gå vegen i Luster, medan det i fleire andre kommunar
497 stod mykje meir att. Etne og Aurland var kommunar vi hadde høgt oppe på
498 ynskelista, men der det ikkje laga seg med listekandidatar.

499
500 Organisasjonskonsulent **Sigrid Sandal** gjorde eit svært iherdig og godt arbeid for
501 fylkeslaget med listestillingsarbeidet. Det blei mange telefonar og mange å inspirere til
502 å ta i eit tak for partiet. Særleg i perioden etter landsmøtet i midten av mars la Sigrid
503 saman med **Aslak Owren** ned ein formidabel innsats for å sikre dei siste listene. Dei
504 strekte seg langt for å skaffe nok og rette kandidatar. Dette er arbeid som krev mykje
505 tid og energi, og det er slett ikkje gitt at ein får «betalt» for innsatsen.

506
507 Både Austevoll, Austrheim og Bremanger vart landa nær inn mot fristen, og der var
508 fylkessekretær og organisasjonskonsulent avgjerande for at det faktisk vart liste. Det
509 var gledeleg at vi auka talet på kommunar vi stilte liste i. Vi enda på å stille 32
510 lister og såleis var vi med bidrog til å nå det nasjonale målet som SV hadde.

511

512 **18) Valkampgruppa for fylkestingsvalet**

513 Valkampgruppa vart sett ned 9. mars og bestod av følgjande medlemmer:

- 514 • **Marthe Hammer**, leiar
- 515 • **Hege Lothe**, leiar og kandidat
- 516 • **Jonas Aleksander Foldnes**, nestleiar, arbeidsutvalet
- 517 • **Rafael Cobo**, nestleiar, arbeidsutvalet
- 518 • **Åsmund Berthelsen**, kandidat
- 519 • **Marianne Sæhle**, kandidat
- 520 • **Alexander Papas**, kandidat
- 521 • **Aslak Owren**, fylkessekretær
- 522 • **Sigrid Sandal**, organisasjonskonsulent, vart innkalla når det trengst
- 523 • **Sara Bell**, økonomiansvarleg, med tale- og forslagsrett

524

525 **19) Gjennomføring av valkampen**

526 Valkampgruppa byrja raskt arbeidet med å leggje den politiske strategien for
527 valkampen. Det organisatoriske opplegget for valkampen var lagt i ei dreiebok som
528 var laga gjennom vinteren. Ei av oppgåvene til valkampgruppa var å få tilsett grafisk
529 formgjevar, planleggje økonomi, fordele frikjøp og planleggje det praktiske og
530 organisatoriske arbeidet i framkant av valet. Valkampgruppa hadde fleire møte før
531 sommaren. I den intensive valkampen hadde gruppa som regel faste digitale møte
532 kvar morgon frå klokka ni, og nokre møte på anna tidspunkt der det var naudsynt.
533 Møta vart leia av gruppeleiar eller fylkesleiar.

534

535 **Materiellproduksjon**

536 Ei av hovudoppsummeringane etter førre fylkes- og lokalvalkamp var at vi måtte finne
537 ei løysing som gjorde at fylkesflygebladet også vart delt ut, ikkje berre det lokale

538 flygebladet. Løysinga på dette problemet var å lage eit felles flygeblad, der lokallaga
539 og fylkeslaget delte på å betale trykkeutgiftene, og der fylkeslaget stilte med eigen
540 grafisk designar som utførte formgjevinga. Planen vart fyrst skissert i den før nemnde
541 dreieboka som la opp dei organisatoriske rammene for valkampen. Denne dreieboka
542 vart laga med to frå Bergen SV og to frå Vestland SV, for å sikre eit breiast mogleg
543 perspektiv. Løysinga med delt flygeblad vart presentert på dag 2 på
544 nominasjonsmøtet i Sogndal i november 2022. Då var det laga til og kopiert opp ein
545 eigen «dummy» for korleis dette skulle gjerast. Ideen fekk stor tilslutning, og det vart
546 klargjort at fylkeslaget og lokallaga ville arbeide vidare med denne løysinga.

547
548 Bergen SV og Lærdal SV valde å stå utanfor dette samarbeidet. Dei andre laga takka
549 ja til felles flygeblad. Sjølv om det ikkje vart felles flygeblad med Bergen SV, var det
550 fire bydelslag i Bergen som ville ha eit slikt samarbeid. Vestland SV takka ja til dette,
551 og det vart såleis laga felles flygeblad med bydelslaga Sydneshalvøen, Åsane, Dalen
552 og Sandviken-Fjellsiden.

553
554 **Natasha Alijeva** vart tilsett som grafisk formgjevar og ho byrja i arbeidet i mai. Då
555 laga ho ein mal som vart sendt til alle lokallaga, der dei skulle skrive sin tekst for fire
556 sider. Fylkeslaget på si side skreiv tekst for fire sider. Det var eit formidabelt arbeid å
557 lande eigne sider, men også å få ferdigstilt lokallagsdelen. Nokre lag tykte dei fekk
558 sine flygeblad seint, men hovudintrykket var at laga stort sett var nøgde.
559 Kvaliteten på flygeblada vart veldig god, og samla inntrykk var veldig mykje betre enn
560 tidlegare. Lokallaga fekk god hjelp både med utforming, bilete og tekst. Nokre lokallag
561 fekk veldig mykje hjelp med tekst, men dei fleste ordna tekst sjølve. Alle laga ordna
562 stort sett med bilete.

563
564 Fylkeslaget sparte seg ein del trykkeutgifter, som då heller vart brukt på å ha
565 formgjevar i arbeid. Vi sparte oss også for ein del logistikkarbeid ved å sleppe å ha eitt
566 eller to opptrykk av eit fylkesflygeblad som så skulle spreiest utover fylket. No vart
567 denne logistikkjobben gjort av lokallaga. Lokallaga sparte også trykkekostnadar, slik at
568 dei kunne bruke meir på andre delar av valkampen. Sist, men ikkje minst, så visste vi
569 at fylkeslaget sitt materiell blei delt ut. I Bergen trykte vi 45 000 særskilte
570 fylkesflygeblad, og berre 15 000 av desse vart delt ut. Samtidig sørge fire bydelar
571 åleine for at 20 000 eksemplar vart delte ut av fellesflygeblada for fylket og bydelane.

572
573 **Økonomi og frikjøp**
574 Før valkampen hadde vi ein fast tilsett fylkessekretær som var ny i stillinga frå 1. mars
575 2023, og ein fast tilsett organisasjonssekretær som normalt deler tida likt mellom
576 Bergen SV og Vestland SV. Etter avtale med Bergen SV arbeide ho i hovudsak for
577 fylkeslaget frå nyttår til utgangen av mars. Til gjengjeld skulle ho berre arbeide for
578 Bergen SV frå 1. august og ut valkampen. **Marthe Hammer** var frikjøpt i si rolle som
579 gruppeleiar, medlem i fylkesutvalet og nestleiar i utval for samferdsel i Vestland

580 fylkesting og kunne såleis gå inn i valkampen med full kapasitet. Det kunne også
581 **Åsmund Berthelsen** som er pensjonist.

582
583 Det vart deretter bestemt at **Marianne Sæhle**, 3. kandidat, skulle frikjøpast på heiltid
584 i fire veker, medan 4. kandidat **Alexander Papas** fekk frikjøp som sommarjobb. Det
585 passa best med hans livssituasjon, og gjennom sommaren tok han ansvar for sosiale
586 medium. 5. kandidat **Hege Lothe** fekk tre veker frikjøp fordelt utover siste del av
587 valkampen. I ettertid syntet seg at ho måtte leggje inn mykje ekstra jobb for å få
588 ferdigstilt materiellproduksjonen, så ho fekk to veker ekstra frikjøp av
589 fylkestingsgruppa. I tillegg var **Natasha Alijeva** tilsett i ein kortare periode for å få
590 ferdig med materiellproduksjonen.

591
592 **Mediearbeidet**

593 I valkampstrategien vart NRK, Bergens Tidende og Bergensavisen peika ut som
594 media det er vanskeleg å få oppslag i, men viktige å prioritere. **Marthe Hammer** skulle
595 vere særleg aktiv i å søke oppslag hjå desse. Vidare var det eit utpeikt mål å kome på
596 i ulike lokalaviser, særleg i form av felles oppslag saman med lokale toppkandidatar.
597 21 % av oppslaga våre kom hjå dei tre utpeikte medieaktørane Bergens Tidende,
598 Bergensavisen og NRK.

599
600 **Marthe Hammer** har fått klart flest oppslag. **Åsmund Berthelsen** og **Hege Lothe** skil
601 seg også ut med vesentleg fleire oppslag enn resten. Dei var begge toppkandidatar i
602 sine heimkommunar, og har difor også fått mange av sine oppslag i denne rolla.
603 Det overordna biletet er at vi har fått 404 nyhendeoppslag i den lange valkampen.
604 Totalt fekk dei lokale toppkandidatane våre i Vestland 1027 oppslag i same periode
605 (inkludert **Åsmund Berthelsen** og **Hege Lothe**).

606
607 Våre toppkandidatar har vore til stades i media, og har fått god dekning i store delar
608 av fylket. Ei oversikt i vedlegg til fylkestingsgruppa si årsmelding viser at det
609 var mange medieoppslag på SV sine hovudsaker i denne valkampen, som til dømes
610 kraft og industripolitikk i Kvinnherad, nasjonalparkplan i NRK, rassikring av Tokagjelet
611 i BT og Hordaland Folkeblad, meir rettferdig inntaksmodell i BT og BA, tannhelse i BT,
612 BA og NRK, cruisetrafikk i Fjordenes Tidende og Fjordabladet, og ei rekkje andre små
613 og store oppslag etter utspel innafør fylkesprogrammet sine hovudområde.

614
615 **Reiser i valkampen**

616 På førehand vart det avklart at toppkandidatane skulle dele fylket mellom seg. Marthe
617 måtte som toppkandidat vere førebudd på å reise der det var viktigast å vere. Åsmund
618 skulle prioritere Sogn og Fjordane, men hadde heile fylket som nedslagsfelt. Marianne
619 skulle prioritere Bergensområdet, Nordhordland og Voss, Alexander skulle prioritere
620 Sunnhordaland og Hege skulle prioritere Sogn og Fjordane.

621

622 Det vart noko reiseverksemd knytt til debattmøte og konkrete tilskipingar for
623 kandidatane. **Marthe Hammer** var tydeleg til stades i valkampen i Bergen. I tillegg
624 var ho med på reisa til **Lars Haltbrekken** til Hardanger, med **Kirsti Bergstø** til
625 Nordfjord, Sunnfjord, Voss, Kvam, Askøy og Osterøy, med **Birgit Oline Kjerstad** til
626 Stad, Kinn og Gloppen og med **Marian Hussein** i Bergen. Ho hadde også egne reiser
627 til Sunnfjord, Sogn og Hardanger.

628
629 **Åsmund Berthelsen** hadde mykje reiseverksemd i Sogn og Fjordane, og var med på
630 **Audun Lysbakken** si reise til Kinn og Bremanger. **Marianne Sæhle** hadde
631 hovudaktiviteten i og rundt Bergen. Ho hadde dessutan ein tur til Gulen, ho følgde
632 **Marian Hussein** frå Førde til Bergen, ho hadde ein tur til Sogn og Sunnfjord og ein tur
633 til Sunnhordaland og Hardanger siste veka av valkampen.

634
635 **Hege Lothe** reiste ein tur til Voss og ho følgde **Kirsti Bergstø** til Gloppen, Luster,
636 Sogndal og Lærdal. Ho hadde elles mange reiser i Sogn og Fjordane, blant anna til
637 Askvoll, Fjaler, Solund og Vik. Ho møtte elles **Birgit Oline Kjerstad** i Gloppen.
638 **Alexander Papas** drog til Førde om sommaren for å vere med i Pride-markering. Han
639 reiste elles mykje i Sunnhordland. Han hadde også fleire valkampaktivitetar i Bergen
640 og spela ei sentral rolle i høve Etnemarknaden.

641
642 I løpet av valkampen reiste **Marthe Hammer**, **Marianne Sæhle**, **Alexander Papas** og
643 fylkessekretær (som hadde ansvar for å halde reiseruta) på fleire stands-laurdag-
644 rundturar. Dette vart først testa ut i Bergen 19. august, då dei vitja stands i sju
645 bydelslag. Dette var eit vellukka tiltak som skapte god stemning og godt innhald i
646 sosiale media. Laurdag 26. august var reiselaget innom Alver, Vaksdal og Øygarden.
647 Det vart godt teke imot.

648
649 Fylkestingsgruppa hadde som mål å delta på alle debattar som vi vart inviterte på, og
650 det meiner vi at vi klarte å gjennomføre.

651
652 **Samarbeid med SU**
653 Vestland SU tok ansvar for skulevalkampen. Dei gjorde ein veldig stor innsats og fekk
654 veldig mange gode valresultat på fleire av skulane. Dei tok kontakt når dei trong hjelp
655 med logistikk, og då hjelpte vi så godt vi kunne.

656
657 **Støtte til forhandlingar**
658 I år fekk vi til å lage eit støtteopplegg for dei folkevalde og lokallaga som stilte til val.
659 Kvelden før valdagen var det grundig gjennomgang av **Leif Longvanes** i digitalt møte
660 som hadde veldig godt oppmøte. I tillegg var det er forhandlingskorps med **Leif**
661 **Longvanes**, **Steinar Nørstebø** og **Magne Aardal** som kunne ringast til.

662
663 **Valresultat**
664 Sett under eitt har SV gjort eit godt val i Vestland. Saman med Nordland gjekk

665 Vestland SV mest fram i fylkestingsvalet nasjonalt. På tvers av kommunane gjekk vi
666 fram 1,4 prosentpoeng, og det same gjorde vi i fylkestingsvalet. Det er nedgang
667 i valdeltakinga, likevel har vi ein tydeleg vekst i talet stemmer. Vi har framgang i 20 av
668 dei 32 kommunane der vi stilte liste, og går frå å ha 55 til 69 lokale folkevalde. Vi er
669 også vald inn i to fleire kommunar enn i førre valperiode, med Tysnes og Luster som
670 nye kommunar. Vi har etter valet også ei eiga SV-gruppe i Kvinnherad, der vi tidlegare
671 har stilt felleliste med Raudt.

672

673 **20) Besøk frå partikontoret og Stortinget gjennom året**

674 I framkant og gjennom valkampen var det fleire besøk til Bergen og resten av fylket.
675 Dette er omtala i valkampdelen. I tillegg har vi fått nokre besøk som har vore knytt til
676 andre oppdrag.

677

678 Miljøpolitisk utval fekk besøk av **Arne Nævra** 4. mai og stortingsrepresentant **Lars**
679 **Haltbrekken** 25. september. Partileiar **Kirsti Bergstø** kom på vitjing 17. oktober og
680 heldt innleiing om statsbudsjettet på Vestlandshuset i Bergen. Ho heldt også appell på
681 Torgallmenningen dagen etterpå på eit arrangement i regi av Palestinakomiteen.

682

683 Den 1. desember kom **Grete Wold** til Bergen. Ho hadde ein lang møtedag med
684 utdanning som emne, der ho også vitja Raftostiftinga. Det vart også invitert til møte om
685 utdanningspolitikk med **Grethe Wold** og **Åsmund Berthelsen** på fylkeskontoret.

686

687 Stortingsrepresentant **Andreas Skjalg Unneland** har vore på besøk til årsmøtet i
688 Sogndal SV og Øygarden SV. Partisekretær **Audun Herning** har vore på besøk til
689 årsmøtet i Ullensvang SV.

690

691 **21) Pressearbeid gjennom året**

692 Etter fylkesårsmøtet gjekk det ut eiga pressemelding med informasjon om attvalet av
693 Hege Lothe som fylkesleiar og dei andre vala som vart gjort. Sidan det har vore eit år
694 med lokalvalkamp, har det vore viktigare at kandidatar til kommunestyre og fylkesting
695 markerte seg, enn at fylkeslaget skulle gjere det, og prioriteringane har vore deretter.

696

697 **22) Sosiale media**

698 Vestland SV prioriterer å vere til stades og aktive på Facebook og Instagram. Sosiale
699 media er viktige kommunikasjonskanalar ut til veljarar, presse, medlemmer og
700 motstandarar. Vi møter både våre eigne, folk som kan bli samde med oss og
701 meiningsmotstandarar der. Bilete, filmar og saker på sosiale media er viktige for å
702 skape både samkjensle og kveik i eigen organisasjon, og få ut kunnskap og argument
703 for våre saker.

704

705 **Facebook**

706 Fylkeslaget har publisert mykje innhald på Facebook-sida i 2023, og rekkevidda har

707 vore god. I løpet av året har vi til dømes fått 97 355 visningar (opp 204,9 prosent
708 samanlikna med 2022) og 10 621 profilbesøk (opp 181,1 prosent i høve til 2022). To
709 tredelar av trafikken på sida er organisk, det vil seie driven av åtferd frå
710 brukarar. Resten kjem som følgje av våre annonser (som var fleire på grunn av valår).
711 Ved utgangen av året hadde sida 3643 følgjarar. Det er ein netto oppgang på 205
712 gjennom året, og 204,9 % større vekst enn i 2022.

713
714 **Instagram**
715 Fylkeslaget har publisert ein del innhald på Instagram-sida i 2023, ofte som
716 parallellpublisering med Facebook. Rekkevidda er beskjeden, men vesentleg. I løpet
717 av året har vi fått 9405 visningar (opp 244,5% samanlikna med 2022) og 667
718 profilbesøk (opp 74,6 prosent i høve til 2022). Berre ein firedel av trafikken på sida er
719 organisk, resten kjem som følgje av våre annonsar. Det burde altså vore meir aktivitet
720 frå brukarar. Ved utgangen av året hadde sida 885 følgjarar. Det er ein netto oppgang
721 på 61, og utgjør knapt ein knapp tredel av veksten i 2022.

722
723 **23) Arbeidsplan for Vestland SV**
724 Arbeidsplanen vi arbeider etter no vart vedteken på fylkesårsmøtet i 2021
725 og oppdatert på fylkesårsmøta i 2022 og 2023. Det var difor eit ynskje å få ein større
726 og grundigare gjennomgang. I år vart nemnda leia av **Jonas Aleksander Foldnes**,
727 politisk nestleiar i Vestland SV (Øygarden). Med seg i nemnda hadde han **Kristin**
728 **Hartvedt** (Bergen) og **Silje Nordtveit Olsen** (Kvinnherad) frå fylkesstyret, og **Audun**
729 **Syltevik** (Bergen), **Kai Øystein Søvde** (Luster) og **Maximilian Leversund-Ulstein**
730 (Osterøy og SU). Altså ei god blanding av by og bygd, frå Luster i nord til Kvinnherad i
731 sør.

732
733 Nemnda byrja arbeidet med eit fyrste møte kor ein diskuterte kor lang planen skulle
734 vere, kva som skulle stå i han og moglege satsingsområde med meir, i tråd med
735 ynsket om å få ein større og grundigare gjennomgang. I byrjinga gjekk nemnda inn for
736 å lage to arbeidsplanar i ein, altså ein 1-årsplan og ein 4-årsplan som skulle verte
737 revidert kvart år. Slik fekk ein ha både kortsiktige og langsiktige briller på. Samtidig
738 vart det vurdert å setje fast 3-5 hovudprioriteringar. Begge desse tiltaka gjekk nemnda
739 bort ifrå, fyrstnemnde grunna tidmangel og fordi skiljet mellom 1-årsplanen og 4-
740 årsplanen vart noko uklart, og sistnemnde grunna eit større ynskje om å korte ned på
741 teksten generelt. Neste arbeidsplannemnd kan vurdere tiltaka om dei vil.

742
743 Gjennom dei påfølgande møta (totalt 5) fekk nemnda utarbeidd ein ny arbeidsplan
744 med ein ny struktur, meir presist språk og prinsippet om at eit tiltak hovudsakleg skal
745 vere knytt til eit verv/organ. Det var mykje godt innhald i førre plan. Ein del av det vart
746 teke med i den nye, men mykje tekst vart fjerna for å skape friare rammer. Nokre
747 satsingsområde fekk utdjupa detaljane. Arbeidsplanen vart deretter behandla i
748 fylkesstyret og lagt fram for årsmøtet 2024.

749

750 24) Økonomi

751 Fylkeslaget har solid egenkapital og ein god økonomisk situasjon. Vi legg opp
752 til underskot i valår og overskot i åra mellom. Det overordna biletet er at budsjettet på
753 fleire poster har treft godt. Det er særleg bra at pengebruken i valkampen har vore
754 under kontroll. Resultatet er likevel dårlegare enn budsjettert. Det handlar om
755 balansen mellom inntekts- og utgiftssida. På inntektsida er det kome inn mindre enn
756 budsjettert på medlemspengar, partiskatt, autogirogåver og diverse. På partiskatt
757 kjem ein korleksjon, men med verknad for 2024-rekneskapen. Det største avviket er
758 «diverse»-posten. Her var det skissert at vi etter søknad skulle få inn 115 000 kroner i
759 valkampstøtte frå mellom anna organisasjonsfondet.

760
761 Fylkesstyret vil gjerne arbeide endå meir med å få inn inntekter til laget. Promotering
762 av autogirogåver vil vere særleg viktig i denne samanhengen, og vil dessutan tene
763 lokallaga. Gjevaren gjev faste bidrag eller enkeltbeløp. Pengane vert fordelte med
764 halvparten til fylkeslaget og halvparten til lokallaget til gjevaren.

765
766 På utgiftssida har fylkeslaget i hovudsak treft godt. Dei største avvika kjem frå posten
767 fylkesårsmøte, der det i budsjettet vart lagt opp til ein nettokostnad på 75 000 kroner,
768 medan den reelle kostnaden vart nærare 175 000 kroner. Elles har vi fleire utgifter på
769 posten drift/rekvisita enn budsjettert. Dette kjem i hovudsak av at vi gjekk til innkjøp
770 av ei datamaskin då ny fylkessekretær byrja i jobben, og investerte i noko IKT-utstyr
771 til dei tilsette. I det litt større biletet har utgiftene til husleige, kontor og straum auka
772 ein del dei siste åra.

773
774 Det er fylkessekretær **Aslak Owren** som fører rekneskapen. Han har hatt eit godt
775 samarbeid med økonomiansvarleg om den daglege økonomidrifta, og den
776 økonomiske styringa er god.

777
778 *Vil du gje eit økonomisk bidrag? Gå inn på: [https://shop.kviq.no/sosialistisk-](https://shop.kviq.no/sosialistisk-venstreparti)
779 [venstreparti](https://shop.kviq.no/sosialistisk-venstreparti)

780

781 25) Stortinget og Vestland SV

782 Fylkesstyret melder inn våre budsjettprioriteringar til stortingsgruppa før kvar
783 statsbudsjett-handsaming. Vårt inntrykk er at dette vert lytta til. I framkant av NTP-
784 handsaminga har fylkesstyret meldt inn kva som er våre prioriteringar.

785
786 Stortingsrepresentant **Audun Lysbakken** har jamleg kontakt med fylkeslaget,
787 spesielt framfor viktige saker for oss. Han er vald inn for Hordaland valkrins, men er
788 oppteken av å ha syn for interessene til heile fylkeslaget. På landsmøtet i mars gjekk
789 Audun av som partileiar. Etter dette har han hatt høve til å delta meir på fredagsmøta
790 som går kvar veke, og der fylkeskontoret, gruppeleiarane i bystyret i Bergen og i
791 fylkestinget, og lokallaget i Bergen med fleire deltek.

792 **26) Samarbeid med fylkestingsgruppa**

793 Fylkestingsgruppa lagar sin eigen rapport for sitt arbeid, og den gjev ei grundig
794 analyse av dei viktigaste sakene dei har arbeidd med og kva slags politisk
795 handlingsrom dei har. Gruppeleiar på fylkestinget, **Marthe Hammer**, er medlem i
796 fylkesstyret og deltek i alle møta. Ho har ein fast post der ho informerer fylkesstyret
797 om dei viktigaste og mest aktuelle sakene.

798
799 Dei fem fylkestingsmedlemmene har delt seg i fire fraksjonar, og desse har
800 fraksjonsmøte framfor møta i utvala. Det er samferdsle, opplæring, kultur og næring.
801 Tidlegare har vi hatt ei folkevaldsamling der både fylkesstyret, fylkestingsgruppa,
802 lokallaga og kommunestyrerepresentantar har møtt kvarandre. Det er viktig at vi held
803 fram å få til slike felles møtepunkt mellom oss.

804
805 Fylkesstyret vil rette ein stor takk til heile fylkestingsgruppa og ein ekstra takk til
806 gruppeleiar **Marthe Hammer** som gjer ein formidabel innsats for oss. Ho profilerer SV
807 godt utetter, og ho er god til å lytte og finne løysingar innerter.

808

809 **27) Støtte til markeringar**

810 **Streik i mellomoppgjeret:** Vestland SV uttrykte støtte til dei streikande i LO. Lønna
811 må bli avgjort av partane, og ikkje av dei folkevalde. Å gå til streik er ei
812 grunnleggjande demokratisk rettighet og verkemiddel, med lang tradisjon i Noreg.
813 Denne retten stør vi.

814

815 **Bybane-markeringar:** SV har vore synleg til stades på fleire markeringar for bygging
816 av bybanen i Bergen.

817

818 **Fosen-markeringar:** Nestleiar **Jonas Aleksander Foldnes** var med på Fosen-
819 markering i Oslo.

820

821 **Palestina-demonstrasjonar:** Det har vore store markeringar til støtte for Palestina
822 og for å få slutt på krigen i Gaza gjennom hausten og vinteren, ikkje minst i Bergen,
823 der partileiar **Kirsti Bergstø** heldt appell på ein av dei. Også **Sara Bell** og **Mikkel**
824 **Grüner** har halde appellar. I tillegg har det vore fleire markeringar på gata og i
825 fylkesting og kommunestyre over heile Vestland.

826

827 **Pride-markeringar:** I 2023 har Vestland SV og lokallaga våre, somme tider i ein
828 kombinasjon, vore med på å markere Pride i fleire deler av fylket enn nokon gong
829 tidlegare. SV var til stades i Bergen, Førde, Sogndal, Stord, Uskedalen,
830 Bjørnafjorden, Gloppen og Kvinnherad.

831

832 **28) Samarbeid med Bergen SV**

833 Vestland SV og Bergen SV har eit godt samarbeid. Vi har felles kontor og delinga av

834 konsulenten skaper eit naturleg bindeledd mellom laga. Med kontorstad i Bergen har
835 også lokallagsleiar vore tett på sekretariatet i det daglege, noko som er ei stor styrke
836 for laget og drifta. Lokallagsleiar **Audun Syltevik** er med på fredagsmøta på kontoret.
837 På desse møta deltar både heiltidsrepresentantar frå bystyregruppa, sekretær for
838 bystyregruppa, fylkessekretæren og gruppeleiar på fylkestinget, **Marthe Hammer**. Her
839 vert det utveksla informasjon mellom dei ulike aktørane.

840

841 **29) Felles AU+AU-møte med Bergen SV**

842 I november hadde vi eit fellesmøte med arbeidsutvalet i Bergen SV. Der fekk vi drøfta
843 kva aktivitetar vi planlegg, tilskipingar vi bør arbeide meir saman om og felles
844 økonomiarbeid til nytte for begge laga. Det var semje om at slike AU+AU-møte er
845 veldig nyttige for begge partar og det vil vi halde fram med.

846

847 **30) Samarbeid med Vestland SU**

848 Vi deler fylkeskontor med Vestland SU. Om lag to gonger i året har vi møte der vi
849 fortel kvarandre kva vi arbeider med og drøftar det vi er saman om. Den store
850 arbeidsoppgåva siste året har vore skulevalkampen der Vestland SU hadde styringa,
851 og der vi frå Vestland SV bidrog med det vi vart bedne om. Det er viktig for oss å ha
852 eit godt samarbeid med SU og det tykkjer vi at vi har, sjølv om det hadde vore fint
853 med endå fleire felles møtepunkt gjennom året.

854

855 **31) Oppsummering**

856 Lokalvalkampen gav oss eit løft i fleire kommunar og vi auka talet på kommunar der vi
857 har tillitsvalde. Sjølv om vi også mista nokre posisjonar i samband med valet, så vart
858 det framgang for oss på fylkestinget. Det viktigaste resultatet der var at vi fekk leiar i
859 hovudutvalet for opplæring.

860

861 Fylkesstyret meiner fylkeslaget totalt sett arbeidde godt med å stille lister til
862 kommunestyrevala. Vi hadde eit rekordhøgt tal lister. Vi la ekstra mykje ressursar inn i
863 produksjon av materiell. Dette gjorde at vi sikra utdeling av flygeblad med
864 fylkespolitikk over heile fylket, og dei lokale flygeblada vart tidlegare ferdig enn
865 tidlegare år. Kvart enkelt lokallag fekk dessutan hjelp til å bli ferdige.

866

867 Fylkesstyret har arbeidd med folkevaldoppfølging og ynskjer å bli endå betre på dette
868 i det komande året. Vi trur vi har ein del att også på skulering og samlingar mellom
869 lokallaga. Vestland SV hadde ein aktiv delegasjon på landsmøtet og vi er godt
870 representert i sentrale partiorgan.

871

872 Vi har god økonomistyring, men bør arbeide endå meir med å skaffe fleire inntekter til
873 fylkeslaget og lokallaga. Vi bør også arbeide endå meir med kommunikasjonen
874 mellom lokallag og fylkeslag. Når fylkeslaget sender ut spørsmål til lokallaga om
875 innspel, er det viktig for partidemokratiet å få innspel både frå små og store lag.

876 Vi har fått ny fylkessekretær i **Aslak Owren**. Han og **Sigrid Sandal** har jobba seg
877 godt gjennom året. Det er spennande å få nye tilsette og vi er godt nøgde så langt. Vi
878 ser fram til vidare arbeid saman.

879
880
881
882
883
884
885
886
887
888
889
890
891
892
893
894
895
896
897
898
899
900
901
902
903
904
905
906
907
908
909
910
911
912
913
914
915
916
917
918

919

Vedlegg

920

921

922

923

Resultat i kommune- og fylkestingsvalet i Vestland 2023

Kommune	Kommune: Prosent m. endring i PP	Kommune: Stemmer m. endring	Kommune: Mandat m. endring	Fylke: Prosent m. endring i PP	Fylke: Stemmer m. endring
Alver	3,7 (+0,4)	549 (+35)	****2 av 41 (+0)	3,9 (+0,8)	545 (+85)
Askvoll	11,8 (+3,8)	173 (+47)	3 av 21 (+1)	7,1 (+2,3)	94 (+24)
Askøy	8,4 (+2,7)	1 184 (+364)	3 av 35 (+1)	7,3 (+1,5)	960 (+199)
Austevoll	1,8 (-1,4)	50 (-37)	****0 av 21 (+0)	2,2 (-0,6)	56 (-14)
Austrheim	2,6 (-1,2)	37 (-17)	0 av 17 (+0)	3,0 (-0,1)	37 (-3)
Bergen	10,0 (+1,4)	14 715 (+1 771)	7 av 67 (+1)	10,4 (+1,9)	14 519 (+2 244)
Bjørnafjorden	4,2 (+1,2)	560 (+169)	2 av 35 (+1)	4,2 (+0,6)	525 (+89)
Bremanger	3,8 (-1,9)	70 (-45)	1 av 23 (+0)	4,7 (-0,1)	77 (-10)
Bømlo	3,4 (-0,6)	212 (-33)	1 av 27 (+0)	3,2 (-0,3)	185 (-5)
Eidfjord	15,2 (+5,0)	84 (+31)	3 av 17 (+1)	10,3 (+4,2)	19 (-8)
Fjaler	9,6 (+1,7)	134 (+18)	2 av 23 (+0)	6,8 (+1,0)	89 (+8)
Gloppen	8,1 (+3,1)	257 (+96)	2 av 27 (+1)	8,0 (+3,9)	239 (+113)
Høyanger	5,1 (-0,6)	111 (-15)	1 av 21 (+0)	5,1 (+1,3)	101 (+23)
Kinn	6,0 (+2,1)	474 (+152)	2 av 39 (+0)	4,5 (+0,4)	322 (+13)
Kvam	4,0 (+0,0)	187 (+5)	1 av 27 (+1)	4,5 (+0,7)	188 (+30)
Kvinnherad**	8,2 (+8,2)	528 (+528)	3 av 35 (+3)	5,3 (+1,6)	298 (+88)
Luster*	4,8 (+4,8)	139 (+139)	1 av 25 (+1)	4,1 (+1,2)	106 (+28)

Kommune	Kommune: Prosent m. endring i PP	Kommune: Stemmer m. endring	Kommune: Mandat m. endring	Fylke: Prosent m. endring i PP	Fylke: Stemmer m. endring
Lærdal	11,1 (-1,4)	131 (-20)	2 av 17 (+0)	6,1 (+1,7)	61 (+14)
Osterøy	4,1 (-2,7)	179 (-115)	1 av 27 (-1)	4,8 (+0,6)	187 (+24)
Sogndal	11,8 (+1,7)	740 (+103)	4 av 31 (+0)	9,9 (+2,0)	558 (+93)
Solund	7,6 (+3,3)	30 (+11)	1 av 15 (+0)	3,1 (-0,6)	11 (-4)
Stad	4,8 (-0,5)	227 (-39)	1 av 31 (-1)	4,3 (+0,3)	184 (-7)
Stord	8,4 (+2,4)	775 (+222)	3 av 35 (+1)	7,7 (+2,0)	657 (+178)
Sunnfjord	13,6 (+4,6)	1 497 (+495)	5 av 37 (+1)	11,1 (+3,3)	1 145 (+309)
Sveio	3,5 (-1,7)	104 (-46)	1 av 25 (+0)	4,3 (+0,0)	108 (+1)
Tysnes*	12,8 (+12,8)	213 (+213)	3 av 21 (+3)	8,5 (+6,3)	125 (+94)
Ullensvang	2,9 (+0,0)	172 (-9)	1 av 33 (+0)	4,3 (+1,3)	210 (+47)
Ulvik	11,1 (-1,6)	69 (-13)	2 av 17 (+0)	8,8 (+1,6)	49 (+9)
Vaksdal	12,4 (-5,8)	268 (-142)	3 av 21 (-1)	8,8 (+1,1)	170 (+12)
Vik	6,2 (+1,7)	86 (+21)	1 av 17 (+0)	3,9 (+1,0)	46 (+12)
Voss	12,1 (+5,6)	993 (+457)	5 av 43 (+2)	10,0 (+4,1)	753 (+306)
Øygarden	4,4 (-0,8)	816 (-121)	2 av 45 (+0)	4,5 (-0,5)	784 (-54)
Totalt***	7,9 (+1,4)	25 764 (+4 225)	69 (+14)	7,8 (+1,4)	23 733 (+3 981)

* Ny liste ved kommunevalet i 2023.

** Felles liste med Raudt i 2019. Resultata då var 8,8 %, 560 stemmer, og 3 mandatar.

*** Medrekna Aurland, Etne, Fedje, Fitjar, Gulen, Hyllestad, Masfjorden, Modalen, Samnanger, Stryn og Årdal. Vi stilte ikkje liste i desse kommunane.

**** Mandatendringar sidan 2019: 6 færre i Alver, og 6 fleire i Austevoll.

924
925
926
927
928
929

930
931

Medlemstal 2022 og 2023 med endring, fordelt på lokallag

Lokallag	Medlemstal 31.12.23	Medlemstal 31.12.22	Endring
Alver SV	38	36	-2
Askvoll SV	15	15	0
Askøy SV	67	63	+4
Austevoll SV	10	14	-4
Austrheim SV	7	6	+1
Bergen SV	1 084	1 136	-52
Bjørnafjorden SV	47	51	-4
Bremanger SV	8	8	0
Bømlo SV	22	23	-1
Eidfjord SV	10	8	+2
Fjaler SV	25	23	-2
Gloppen SV	34	33	+1
Høyanger SV	13	14	-1
Kinn SV	42	41	+1
Kvam SV	25	22	+3
Kvinnherad SV	26	26	0
Luster SV	9	5	+4
Lærdal SV	23	21	+2
Osterøy SV	19	19	0
Sogndal SV	100	89	+11
Solund SV	6	4	+2
Stad SV	47	45	+2
Stord SV	65	63	+2
Stryn SV	3	3	0
Sunnfjord SV	78	77	+1
Sveio SV	24	24	0
Tysnes SV	18	17	+1
Ullensvang SV	34	28	+6
Ulvik SV	12	11	+1
Vaksdal SV	28	30	-2
Vik SV	12	11	+1
Voss SV	71	65	+6
Øygarden SV	58	56	+2
Medlem utan lokallag	21	23	-2
Totalt	2 101	2 110	-9

932